



ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРИНИНГ
БУЙРУҒИ

2020 yil "19" *сентябрь* № *488*

Тошкент ш.

Олий таълим муассасалари талабалари
ўртасида "Йил талабаси-2020"
Республика танловини ташкил этиш ва
ўтказиш тўғрисида

Ўзбекистон Республикаси Олий ва ўрта махсус таълим вазири И.Маджидов томонидан 2020 йил январда тасдиқланган "2020 йилда Ёшлар ўртасида тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан Йўл харитаси"нинг 8-бандида белгиланган вазифалар ижросини таъминлаш мақсадида

БУЮРАМАН:

1. Олий таълим муассасаларида таълим олаётган ҳамда юқори натижаларга эришган талаба-ёшларни рағбатлантириш мақсадида "Йил талабаси-2020" Республика танлови (кейинги ўринларда—Танлов) ўтказилсин.

2. Танловни ўтказиш бўйича вазирлик Ташкилий қўмитаси таркиби 1-иловага мувофиқ, танлов Низоми 2-иловага мувофиқ тасдиқлансин.

3. Танловни ўтказиш бўйича вазирлик Ташкилий қўмитаси (Ю.Абсоатов)га:

танловни Ўзбекистон Республикаси Президенти томонидан илгари сурилган 5 та муҳим ташаббусни ҳаётга татбиқ этиш, шунингдек, Ўзбекистон Республикаси Президенти Ш.М.Мирзиёев раҳбарлигида 2019 йил 27 декабрь куни мамлакат ёшлари билан видеоселектор тарзида ўтказилган йиғилишда белгиланган вазифалар мазмун-моҳиятидан келиб чиққан ҳолда ташкил этиш;

Танловнинг барча босқичларини пандемия даври талабларидан келиб чиққан ҳолда, масофавий (онлайн) тарзда ўтказилишини таъминлаш;

Танловнинг Республика босқичини ўтказиш бўйича комиссия таркибига малакали мутахассисларни жалб қилиш чораларини кўриш вазифалари юклатилсин.

4. Олий таълим муассасалари ректорлари ва филиаллар директорларига:
Танловнинг таълим муассасаси босқичини белгиланган Низом асосида
ҳар томонлама юқори савияда ўтказиш;

Танлов номинациялари бўйича ғолиб ва совриндорлар (7 нафар)
тўғрисидаги маълумотлар йиғмажилдини (электрон шаклда) белгиланган
муддатларда Ташкилий қўмитага тақдим этилишини таъминласин.

5. Иқтисодиёт бошқармаси (М.Ҳамраев) Танловни юқори савияда
ташkil этиш ва ўтказиш ҳамда ғолибларни тақдирлаш билан боғлиқ
молиявий харажатларни вазирликнинг Олий таълим муассасаларини
ривожлантириш жамғармаси маблағлари ҳисобидан қопланишини
таъминласин.

6. Ушбу буйруқ ижроси назорати вазир ўринбосари Ю.Абсоатов
зиммасига юклатилсин.

Вазир в.в.б.



У.Бегимкулов



Вазирликнинг 2020 йил “19” *сентябрь*даги
-сонли буйруғига 1-илова

Танловни ўтказиш бўйича вазирлик Ташкилий қўмитаси таркиби

Абсоатов Юсуф Қодирович	-	Ўзбекистон Республикаси Олий ва ўрта махсус таълим вазирининг ўринбосари, Ташкилий қўмита раиси
Базаров Отабек Ҳасанбоевич	-	Ўзбекистон Республикаси Олий ва ўрта махсус таълим вазирлиги Маънавий-ахлоқий тарбия бошқармаси бошлиғи, Ташкилий қўмита раиси ўринбосари
Аъзолар:		
Ботиров Мирзохид Исмонхужаевич	-	Олий ва ўрта махсус таълим вазирлиги ҳузуридаги Маънавият ва маърифат маркази раҳбари, Ташкилий қўмита котиби
Суванов Илҳом Абдиҳалилович	-	Олий ва ўрта махсус таълим вазирлиги ҳузуридаги Маънавият ва маърифат маркази директор ўринбосари
Раҳимов Абдумуталиб Зайнитдинович	-	Олий ва ўрта махсус таълим вазирлиги ҳузуридаги Маънавият ва маърифат маркази бўлим бошлиғи
Эшқувватов Жалолиддин Фахриддинович	-	Ўзбекистон ёшлар иттифоқи Марказий Кенгаши Бошланғич ташкилот етакчилари ишлаш бўлими бош мутахассиси
Тиллаева Гулсанам Ҳамдамовна	-	Ўзбекистон Республикаси Фанлар академияси Ёш олимлар кенгаши раиси ўринбосари
Маматқулов Турсунмурод Даниёрович	-	Республика Маънавият ва маърифат кенгаши Тарғибот ишларини методик таъминлаш бўлими мудири
Худойкулова Фароғат Мусурмоновна	-	Ўзбекистон Ёзувчилар уюшмаси Ёшлар билан ишлаш бўлими адабий маслаҳатчиси, Ёзувчилар уюшмаси аъзоси, шоира
Хаджиметов Бехзод Баҳадирович	-	Қамолиддин Бехзод номидаги Миллий рассомлик дизайн институти Ўқув ишлари бўйича проректори
Муродов Шавкат Одилович	-	“Хуррият” мустақил газетасининг масъул котиби
Юнусов Фаррух Исмоилович	-	Маданият вазирлиги Ижодкор ёшлар билан ишлаш ва оммавий маданий тадбирларни ташкил этиш бошқармаси бошлиғи ўринбосари
Юлдашов Абдумумин Абдугопирович	-	Интеллектуал мулк агентлиги Муаллифлик ҳукуқи ва лицензиялаш бўлими бош мутахассиси
Мамадалиев Улуғбек Одилович	-	Жисмоний тарбия ва спорт вазирлиги Фан, спортни методик таъминлаш ва таълим муассасалари бошқармаси бошлиғи



Вазирнинг 2020 йил “19 сентябрь” даги
-сонли буйруғига 2-илова

**Ўзбекистон Республикаси олий таълим муассасалари
талабалари ўртасида ўтказиладиган “Йил талабаси-2020”
танловининг янги тахрирдаги**

НИЗОМИ

I. Умумий қоидалар

1. Ушбу Низом олий таълим муассасаларида таҳсил олаётган талабалар ўртасида “Йил талабаси-2020” танловини (кейинги ўринларда – Танлов) ўтказиш тартибини белгилайди.

Мазкур Низом хорижий олий таълим муассасалари ҳамда уларнинг филиалларига, шунингдек, ҳарбий олий таълим муассасаларига татбиқ этилмайди.

2. Танловнинг асосий мақсади: жамиятга, давлатга етук ёш, рақобатбардош кадрларни етиштириб бериш, ёшларни ватанпарварлик руҳида тарбиялаш, интеллектуал салоҳиятини ошириш, олий ўқув юртлардаги иқтидорли талабаларни аниқлаш, уларнинг ўз салоҳиятларини намоён этишларига имкониятлар яратиш, жамоатчилик фидойилик фазилатларини шакллантириш, талабалик нуфузини ошириш ҳамда рағбатлантиришдан иборат.

3. Танлов босқичма-босқич, ушбу Низомнинг 1-иловасидаги схемага мувофиқ (тадбир зарур ҳолларда пандемия даври талабларидан келиб чиққан ҳолда онлайн тарзда ўтказилади) қуйидаги босқичлардан иборат бўлади:

а) Танловнинг биринчи босқичи ҳар бир олий таълим муассасасида икки турда ташкиллаштирилади:

биринчи тур – ҳар бир факультет (кесими)да ўтказилади;

иккинчи тур – олий таълим муассасаси миқёсида, факультетлар кесимида ғолиб бўлган иштирокчилар ўртасида ўтказилади.

б) Танловнинг республика босқичи (онлайн тарзда) жорий йилнинг декабрь ойида Тошкент шаҳрида ўтказилади.

4. Қуйидагилар танлов ўтказишнинг асосий вазифалари ҳисобланади:

а) биринчи – олий таълим муассасаси босқичида ректор (директор) бошчилигида тегишли мутахассислар таркибидан танлов комиссияси ташкил этилиб, улар томонидан:

ҳар бир олий таълим муассасасида ташкил этилган ишчи гуруҳ томонидан ўрганиш асосида танловга тавсия этилган талабаларнинг тақдиротини ташкил этиш;

танлов иштирокчилари томонидан тақдим этилган фанларни ўзлаштириш натижалари, жамоатчилик ишлари ва эришилган ютуқлар акс этган ҳужжатларни, талабаларнинг илмий ва ижодий ишларини қабул қилиш ва ўрганиш асносида таҳлил этиш;

танлов иштирокчиларининг дарслардаги иштироки, фаоллик даражаси, етакчилик қобилиятини кузатиш ва баҳолаш ҳамда ғолиб деб топилган

иштирокчига танловнинг республика босқичида қатнашиши учун тавсиянома бериш;

б) иккинчи, республика босқичида Ташкилий қўмита ва танлов комиссияси томонидан:

олий таълим муассасаларидан тақдим этилган тавсия ҳужжатларини ва танлов иштирокчиларининг тақдимот материалларини қабул қилиш, ўрганиш ва таҳлил этиш асосида ғолибларни аниқлаш;

танлов ғолибларининг моддий ва маънавий рағбатлантирилишини ташкил этиш;

танлов ўтиши ва натижаларининг оммавий ахборот воситаларида кенг ёритилишини ташкил этиш ишлари амалга оширилади.

5. Танлов қуйидаги номинациялар бўйича ўтказилади:

а) **“Йилнинг ўз мутахассислиги бўйича энг билимдон талабаси”**, бунда талабанинг фанларни ўзлаштириши ва ўқув жараёнлардаги иштироки ва фаоллиги, чоп этилган мақола ва тезислари ҳамда уларнинг мазмун-моҳияти, долзарблигига оид ишлар кўриб чиқилади;

б) **“Йилнинг энг фаол ташаббускор-тарғиботчи талабаси”**, бунда талабанинг олий таълим муассасаси жамоат ишларидаги, Ёшлар ишлари агентлиги ва бошқа жамоат ташкилотлари фаолиятидаги амалий иштироки, фаоллик даражаси, тарғиботчи сифатидаги намунавий ишлари, ташкилотчилик қобилияти ва шу асосда ўзи ташкил этган тадбирлар мазмуни, эришган ютуқлари кўриб чиқилади;

в) **“Йилнинг энг фаол ихтирочи-инноватор талабаси”**, бунда талаба томонидан яратилган илмий ишлар, ихтиролар, инновацион ғоялари, рационализаторлик таклифлари, уларнинг янгилиги, долзарблиги ва илмий аҳамияти кўриб чиқилади;

г) **“Йилнинг энг фаол спортчи талабаси”**, бунда талабанинг спорт соҳасидаги ютуқлари ва эришган натижалари кўриб чиқилади;

д) **“Йилнинг энг фаол ижодкор талабаси”**, бунда талабанинг ўзи танлаган мутахассислиги йўналишидан қатъий назар мусиқа, адабиёт, санъат ва театр соҳасидаги қизиқишлари ва эришган натижалари кўриб чиқилади;

е) **“Йилнинг энг фаол блогер талабаси”**, бунда талабанинг ижтимоий тармоқларда ўзи яратган ишланмалари ва фаоллик даражаси ҳамда ушбу соҳаларда эришган ютуқлари кўриб чиқилади;

ж) **“Йилнинг энг намунали тадбиркор талабаси”** (хотин-қизлар учун), бунда талаба-қизларнинг мустақил равишда тадбиркорлик асосида эришган ютуқлари кўриб чиқилади.

II. Танловнинг олий таълим муассасасидаги босқичини ташкил этиш тартиби

6. Танловнинг олий таълим муассасасидаги босқичи октябрь ойида ўтказилади.

7. Танловнинг олий таълим муассасаси босқичининг иккита турда ўтказилганлиги тўғрисидаги йиғилиш (ҳар бир тур бўйича алоҳида) баённомалари танлов комиссияси аъзолари имзоси билан тасдиқланади ва

иккита баённома голиб тўғрисидаги маълумотлар йиғмажилди билан биргаликда (электрон шаклда) 26 октябрдан бошлаб 5 иш куни мобайнида Республика ташкилий қўмитасига тақдим этилади.

8. Танлов комиссияси олий таълим муассасасининг маъмурий-бошқарув ходимлари, мутахассис-ўқитувчилар, ҳамкор ташкилотлардан жалб этилган мутахассислар, жамоат ташкилотлари вакилларида иборат таркибда ташкил этилади.

9. Танлов комиссияси қуйидаги функцияларни бажаради:

танловнинг олий таълим муассасасидаги босқичи ахборот таъминотини ташкил қилади;

танлов иштирокчиларидан буюртманомалар ва материалларни қабул қилишни ташкил этади;

танлов иштирокчиси тақдим этган ҳужжатларни ҳамда дарсларда ва жамоат ишларидаги иштироки сифатини баҳолайди;

танловда олий таълим муассасасида узликсиз (академик таътилсиз) ўқиб келаётган 2, 3 ва 4-босқич талабалари иштирок этиши мумкин.

10. Танловнинг олий таълим муассасаси босқичида иштирок этиш истагини билдирган талабалар томонидан тақдим этилган ҳужжатлар тўплами тегишли факультет деканати томонидан сараланади ва 30 сентябрдан бошлаб 20 иш куни мобайнида ҳужжатлар тўпламини электрон шаклда танлов комиссиясига тавсия этилади.

11. Иштирокчига тегишли бўлган қуйидаги ҳужжатлар тўплами факультет деканати томонидан тайёрланади ва танлов комиссиясига электрон шаклда тақдим этилади:

- танлов иштирокчисининг қобилияти, фанларни ўзлаштириш даражаси, етакчилик қобилияти, эришган ютуқлари, дарслардаги фаол иштироки, талабаларга ўрнатилган бўладиган жиҳатлари ва жамоат ишларидаги фаолияти ҳақидаги маълумотлар баён этилган икки бетдан ошмайдиган ҳажмдаги тақдимнома;

- танлов иштирокчисининг фанларни ўзлаштириш натижалари акс этган ҳужжатлар (баҳоаларни қайд этиш варақалари, талабанинг баҳоаларни ўзлаштириш синов дафтарчаси) нусхалари;

- танлов иштирокчисининг нашр этилган илмий, илмий-услубий, ижодий ишлари, уларга тегишли мутахассислардан олинган тақризлар билан бирга;

- турли тадбирлар, танловларда фахрий ёрликлар ва дипломлар билан тақдирланганлиги тўғрисидаги маълумотлар (нусхалари илова қилинади);

- грантларда иштирок этганлиги тўғрисидаги маълумотнома, грантнинг номи, молиялаштириш ҳажми, иштирокнинг шакли ва даражаси кўрсатилади;

- конференциялардаги иштироки ҳақидаги маълумотлар, илмий ишлар рўйхати ва илмий ишлар нусхалари илова сифатида тақдим этилади;

- ҳужжатлар тўпламига киритилган материаллар ва ахборотлар жорий йил давомида чоп этилган бўлиши лозим.

12. Танлов комиссияси, иштирокчиларнинг ҳужжатлар тўплами, дарсларда ва жамоат ишларида иштироки сифатини, шунингдек, иштирокчи

билан индивидуал ўтказилган суҳбат доирасида олинган маълумотларни баҳолаш натижаларини ҳисобга олган ҳолда, ҳар бир номинация бўйича ғолиб (1, 2, 3-ўрин)ларни аниқлайди ва биринчи ўрин совриндорларини танловнинг республика босқичида қатнашиш учун тавсия этади.

13. Номинациялар бўйича 1, 2 ва 3-ўринларни эгаллаган ғолиблар олий таълим муассасасининг фахрий ёрлиғи билан мукофотланади ҳамда тегишли равишда 1-ўрин соҳиби энг кам иш ҳақининг 8 баробари миқдорида, 2-ўрин соҳиби энг кам иш ҳақининг 6 барсбари миқдорида ва 3-ўрин соҳиби энг кам иш ҳақининг 4 баробари миқдорида моддий рағбатлантирилади.

14. Моддий рағбатлантириш учун пул маблағлари олий таълим муассасаси ректорининг буйруғи асосида олий таълим муассасаларининг бюджетдан ташқари маблағлари ҳисобидан ажратилади.

III. Танлов ташкилотчилари ва таъсисчилари

15. Танловнинг республика босқичи ҳар йили ноябрь-декабрь ойларида ўтказилади.

Танловнинг республика босқичини ўтказиш ташкилий кўмитаси (кейинги ўринларда Ташкилий кўмита) таркиби Ўзбекистон Республикаси Олий ва ўрта махсус таълим вазирлиги томонидан тасдиқланади. Ташкилий кўмита таркибига тасарруфида олий таълим муассасалари бўлган вазирликлар ва идоралар ҳамда Ёшлар ишлари агентлиги, шунингдек, бошқа ташкилотларнинг вакиллари киритилади.

16. Қуйидагилар Ташкилий кўмитанинг асосий вазифалари ҳисобланади:

Танловни ўтказиш муддатларини белгилаш ва уни пандемия даври талабларидан келиб чиққан ҳолда, масофавий-онлайн шаклида юқори даражада ўтказиш;

ҳар бир номинация бўйича алоҳида танлов комиссияси (экспертлар гуруҳи) таркибини шакллантириш;

ҳар бир номинация бўйича баҳолаш мезонларини ишлаб чиқиш;

танлов доирасида ўтказиладиган тадбирларни ОАВда кенг ёритиб бориш чораларини кўриш.

17. Ташкилий кўмита, қоидага кўра, раис, раис ўринбосари, Ташкилий кўмита котиби ва аъзоларидан иборат таркибда шакллантирилади.

Ташкилий кўмита раиси, раис ўринбосари ва котиби унинг аъзолари орасидан сайланади.

18. Ташкилий кўмита раиси:

Ташкилий кўмита мажлиси кун тартибини белгилайди ва уни ўтказиш;

Ташкилий кўмита қарорларини тасдиқлайди ва уларнинг бажарилишини назорат қилади;

Ташкилий кўмита аъзоларига юкланган вазифаларни бажариш бўйича ишларни мувофиқлаштиради.

19. Ташкилий кўмита аъзолари қуйидаги ҳуқуқларга эга:

Ташкилий кўмита мажлисларида кўриб чиқиладиган масалаларни муҳокама қилишда ва ҳал этишда қатнашиш;

кўриб чиқиладиган масалалар бўйича хулосалар тақдим этиш.

Ташкилий кўмита фаолиятида иштирок этиш жамоатчилик асосида амалга оширилади.

20. Ташкилий кўмита мажлисини раис ёки раис ўринбосари бошқаради.

Ташкилий кўмита мажлиси аъзоларининг учдан икки қисми қатнашганда ваколатли ҳисобланади.

21. Ташкилий кўмита котиби:

Ташкилий кўмита мажлисига барча зарур ҳужжатларнинг ўз вақтида тайёрланишини таъминлайди;

Ташкилий кўмита раиси билан мажлиснинг ўтказиладиган жойи ва вақтини келишади;

Ташкилий кўмита аъзоларини мажлиснинг ўтказилиш санаси, жойи ва кун тартибидан хабардор қилади;

Ташкилий кўмита мажлисларининг кун тартибидаги масалалар бўйича ўтказилишини ташкил этади;

Ташкилий кўмита мажлиси баённомаларини расмийлаштиради ва тасдиқлангандан сўнг Ташкилий кўмита аъзоларига ва манфаатдор ташкилотларга юборади.

22. Ташкилий кўмита қарори аъзоларнинг кўпчилик овози билан қабул қилинади. Овозлар тенг бўлганда Ташкилий кўмита раисининг овози ҳал қилувчи ҳисобланади.

23. Ташкилий кўмитанинг иш тартиби у тасдиқлайдиган регламент асосида белгиланади.

24. Танловнинг таъсисчиси Ўзбекистон Республикаси Олий ва ўрта махсус таълим вазирлиги ҳисобланади.

25. Таъсисчи танловнинг барча босқичларини ташкиллаштириш ва ўтказиш жараёнида Ташкилий кўмита томонидан қабул қилинган қарорлар ижросини таъминлашда бевосита ҳамкорлик қилади ва ўз вакилларининг Ташкилий кўмита аъзоси сифатида самарали ишлаши учун шарт-шароитлар яратади.

IV. Танловнинг Республика босқичини ўтказиш

26. Танлов комиссияларининг ҳар бир номинация бўйича таркиблари Республика Ташкилий кўмитаси томонидан тасдиқланади.

27. Танлов комиссиялари танловнинг Республика босқичига тақдим этилган иштирокчиларнинг ҳужжатларини 10 иш куни мобайнида кўриб чиқади ҳамда ҳар бир номинация бўйича комиссия аъзолари томонидан ишлаб чиқилган мезонлар асосида танлов ишлари баҳолаш орқали ҳар бир номинация бўйича ғолиблар (1, 2 ва 3-ўрин) аниқланади. Танлов комиссиялари мажлислари баённомалари Ташкилий кўмита раиси томонидан тасдиқланади.

30. Танловнинг Республика босқичида ҳар бир номинациялар бўйича 1, 2 ва 3-ўрин совриндорлари бўлган иштирокчилар Олий ва ўрта махсус таълим вазирлигининг тегишли даражадаги дипломлари билан тақдирланадилар ва 1-ўрин соҳибига энг кам иш ҳақининг 10 баробари миқдорида, 2-ўрин соҳибига энг кам иш ҳақининг 8 баробари миқдорида ва

3-ўрин соҳибига энг кам иш ҳақининг 5 баробари миқдорида пул мукофоти бериш тизими жорий этилади.

32. Танлов ғолибларини моддий рағбатлантириш Ўзбекистон Республикаси Олий ва ўрта махсус таълим вазирининг буйруғи асосида олий таълим муассасаларини ривожлантириш жамғармаси маблағлари ҳисобидан амалга оширилади.

33. Танлов ғолиблари олий таълим муассасаларининг ҳомий ташкилотлари томонидан қўшимча равишда рағбатлантирилиши мумкин.

34. Тасарруфида олий таълим муассасалари бўлган вазирликлар ва идоралар ўз ҳисобларидан танлов ғолибларини қўшимча равишда моддий рағбатлантиришга ҳақлидирлар.

35. Ғолибларни мукофотлаш тадбири декабрь ойининг иккинчи ўн кунлигида тантанали равишда ўтказилади.

36. Танловга тақдим этилган ҳужжатлар қайтарилмайди.

37. Мазкур низом талабларини бузган шахслар қонунчиликда белгиланган тартибда жавобгарликка тортилади.



“Йил талабаси-2020” Республика
танлови низомига илова

“Йил талабаси-2020” танловини ўтказиш СХЕМАСИ

Босқичлар	Тадбирлар	Ўтказиш муддатлари
I босқич Олий таълим муассасаси босқичи	1. Танлов комиссиясининг таркибини шакллантириш ва тасдиқлаш. 2. Танловнинг олий таълим муассасаси босқичи ахборот таъминотини ташкил этиш. 3. Иштирокчилардан ариза ва хужжатларни қабул қилишни ташкил қилиш. 4. Танлов комиссияси томонидан иштирокчилар тақдим этган хужжатларни кўриб чиқиш. 5. Танловнинг олий таълим муассасаси босқичи ғолибларини аниқлаш. 6. Ғолибларга танловнинг республика босқичида иштирок этиш учун тавсияномалар бериш.	1. 30 сентябрь – 5 октябрь 2. 30 сентябрь – 30 октябрь 3. 5 октябрь – 15 октябрь 4. 16 октябрь – 25 октябрь 5. 26 октябрь – 30 октябрь 6. 30 октябрь – 31 октябрь
II босқич Республика босқичи	1. Республика ташкилий қўмитасининг таркибини шакллантириш ва тасдиқлаш. 2. Олий таълим муассасаларидан танловнинг олий таълим муассасаси босқичида 1-ўринни эгаллаб ғолиб бўлган номзодларнинг хужжатларини қабул қилиш. 3. Танловга келиб тушган хужжатларни кўриб чиқиш. 4. Йўналишлар бўйича танлов ғолибларини аниқлаш. 5. Танлов ғолибларини мукофотлашни тантанали вазиятда ўтказиш. 6. Танловнинг ўтишини оммавий ахборот воситаларида кенг ёритишни ташкил этиш.	1. 30 октябргача 2. 1 ноябрь – 15 ноябрь 3. 16 ноябрь – 5 декабрь 4. 9 декабрь – 16 декабрь 5. 20 декабрь – 25 декабрь 6. 1 октябрь – 30 декабрь